



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 01-04-30583-6/ /21 KM
Sarajevo, 02.09. 2021.

SKUPŠTINA KANTONA SARAJEVO SARAJEVO

PREDMET: Odgovor na „Zastupnička inicijativa“

U prilogu dopisa dostavljamo Vam odgovor na pokrenutu zastupničku inicijativu na 40. Radnoj sjednici Skupštine Kantona Sarajevo održanoj dana 09.08.2021. godine, a od strane zastupnice Amre Junuzović-Kaljić.

Inicijativa:

"Podnosim inicijativu da se djeci koja pohađaju Osnovnu školu "Edhem Mulabdić" od septembra omogući korištenje vanlinijskog prijevoza. Na području Starog Grada, od šest osnovnih škola, četiri su uključene u sistem vanlinijskog prijevoza sto je omogućeno u suradnji Općine Stari Grad i Ministarstva saobraćaja Kantona Sarajevo. Prema podacima kojima raspolazem iz prethodne godine, više od 40 učenika koristi kombi prijevoz na liniji Latinska ćuprija - Komatin kojim saobraća kompanija Centrotrans. Ta je linija nerijetko pretrpana, učenike guraju i smatram da zaslužuju tretman kao 1 učenici iz ostalih starogradskih škola kojima je ranije omogućen ovakav oblik prijevoza. Budući da dolaze iz padinskih dijelova, druga im je opcija dugotrajno pješaćenje jer mnogi od njih žive pod samim padinama Trebevića. Saobraćajnice su uske, nema odgovarajuće signalizacije, a nedostatak pločnika i zimski uvjeti su poseban problem. Napominjem da je objekat u kojem slušaju nastavu od njihovih kuća udaljen cca 7 do 8km. Na posljednjoj sjednici OV Stari Grad inicijativa je usvojena, ali je rečeno da Općina nema sredstava za njenu realizaciju, tako da je ona i neizvjesna. Stoga molim da se ako je moguće Ministarstvo saobraćaja KS zaduži za iznalaženje opcije za provođenje ove inicijative."



Odgovor :

Zakonom o osnovnom odgoju i obrazovanju („Sl.Novine Kantona Sarajevo, br.23/17 i 33/17) članom 64. propisan je način osiguranja prijevoza za redovne učenike javnih ustanova osnovnih škola, i to:


- u stavu 1) Osnivač škole kao javne ustanove posebnim sporazumom u saradnji sa Ministarstvom saobraćaja Kantona Sarajevo osigurava da učenik, koji stanuje na udaljenosti većoj od dva kilometra od škole koju pohađa, ima besplatan prijevoz;
- u stavu 2) Ako se učenik škole iz stava 1) ovog člana upiše u školu izvan školskog područja, osnivač nije dužan snositi troškove prijevoza učenika, s izuzetkom učenika koji pohađaju centre;
- u stavu 3) U slučaju da učenik ima većih problema u kretanju, Ministarstvo saobraćaja Kantona Sarajevo osigurava prijevoz redovnih učenika i na manjoj udaljenosti od dva kilometra od škole koju pohađa i mjesta stanovanja učenika, i to korištenjem prijevoza kako je organiziran u školi koju pohađa i za učenike koji stanuju na udaljenosti većoj od dva kilometra;
- u stavu 4) Prijevoz učenika može se organizirati u sistemu redovnog linijskog prijevoza putnika ili vanlinijskog prijevoza putnika;
- Vanlinijski prijevoz za redovne učenike javnih ustanova osnovnih škola organizuje se za učenike koji pohađaju školu u školskom području, stanuju na udaljenosti većoj od dva kilometra od škole koju pohađaju i gdje nemaju uspostavljene redovne linije javnog linijskog prijevoza putnika za područje Kantona Sarajevo

Uvidom u službenu dokumentaciju “Mreža linija javnog linijskog prijevoza na području Kantona Sarajevo” utvrđeno je da je mjesno područje OŠ “Edhem Mulabdić” pokriveno redovnim javnim linijskim prijevozom putnika koji se obavlja na relacijama: linija broj 54. Latinska Čuprija – Hošin brijeg, linija broj 63 Latinska Čuprija - Mahmutovac, linija broj 56 Latinska Čuprija - Jarčedoli i Latinska Čuprija - Širokača – Komatin.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

